

四庫全書

史部

欽定四庫全書

尚史卷一百六

志十四

鑲白旗漢軍李鐔撰

齊諸氏

高氏

高侯齊上卿高敬仲也侯生高莊子其後為宣子固固生無咎及厚靈公逐無咎無咎子弱以盧叛厚嗣高氏莊公即位崔杼殺厚厚生止止被放止子豎以盧叛齊以侯之曾孫鄭

嗣高氏鄭生偃偃生昭子張張立公子荼陳乞鮑牧攻之張
奔魯又有高發者景公時發帥師伐莒又有高畸臣梁邱據
見據又有高無平簡公時無平及國書帥師伐魯及清戰于

傳

郊既而魯會吳伐我克博至于嬴國書將中軍無平將上軍
宗樓將下軍以禦之戰于艾陵吳展如敗無平國書敗吳
胥門巢會吳卒助之我師敗績及陳恒弑簡公無平奔北

燕後復歸齊又帥師禦晉荀瑶戰于犁邱我師敗績

左傳

國氏

國歸父齊上卿國莊子也歸父生武子佐佐生勝及弱靈公
時佐殺慶克以盧叛公殺佐及勝弱奔魯既而反弱嗣國氏
是為景子佐孫患子夏陳乞殺公子荼夏奔魯後有國書悼
公時魯殺之書生觀平公時晉趙鞅圍衛觀及陳瓘救衛

左傳

鮑氏

鮑叔牙姒姓鮑敬叔之子也叔牙曾孫為莊子牽牽弟

文子國國孫牧牧立悼公又欲立羣公子悼公殺之

左傳

管氏

管仲山生管敬仲夷吾夷吾生武子鳴鳴生桓子啟方
啟方生成子孺孺生莊子盧盧生悼子其夷其夷生襄
子武武生景子耐步

世本

夷吾之後又有管脩仕楚為賢大夫白公作亂殺之

左傳

晏氏

晏弱是為晏桓子桓子生嬰嬰生圉悼公初陳鮑攻高國圉
奔魯又有晏父戎晏釐莊公伐衛以晏父戎為右自衛遂伐
晉取朝歌戍郟郟封少水乃還晉趙勝追之獲晏釐

左傳

樂氏 高氏

公孫竈公孫薑並惠公孫竈為樂氏生樂施薑為高氏

生高彊景公時陳無宇伐樂高施彊奔魯後適晉

左傳

崔氏

崔杼武子也杼生成及彊又生明杼廢成立明成與彊

怒殺相棠東郭偃杼告慶封慶封殺成與彊明奔魯

左傳

慶氏

慶克通于靈公母聲孟子者也克生封及佐封生舍封田于

來陳無宇將攻舍慶嗣說封歸封不聽遂殺舍及慶集嗣與
集並慶氏之族也封奔魯後奔吳楚靈王殺之盡滅其族

左傳

衛諸氏

石氏

石碯生厚厚黨州吁碯殺之碯四世孫石成子稷稷生
共子賈賈生悼子惡惡黨寧氏出奔晉立其從子圉守

石氏圉逐莊公及君起出公逐圉而復石魋

魋系未詳

又有

石駘仲駘仲生祁子懿公使祁子守國狄滅之

左傳

甯氏

甯氏出自武公公族也甯莊子速速之後武子俞俞生相

相之後惠子殖

俞益速子殖益相子

殖生悼子喜殖遂獻公既卒命

喜復之喜遂弑殤公復獻公獻公殺喜甯氏遂絕惠公

時有甯跪為大夫公子洩公子職逐惠公及惠公再入

放跪于秦出公輒時又有甯跪跪救晉范氏于五鹿

左傳

孫氏

孫昭子衛同姓食邑于戚其後為孫桓子良夫良夫生

文子林父林父生襄嘉蒯林父逐獻公立殤公獻公復
入林父以戚叛如晉孫氏遂絕

左傳

孔氏

孔嬰齊事懿公狄與衛戰于熒澤也渠孔御戎子伯為
右黃夷前驅嬰齊殿衛師敗績狄滅衛其後孔達達孫
成子烝鉏烝鉏子羈羈孫文子圉圉子悝悝納莊公莊
公既立飲悝酒而遣之悝奔宋

左傳

世叔氏

世叔儀是為大叔文子儀之孫懿子申申之子悼子齊
齊取二妻又淫于外州外州人奪之軒恥是二者出奔
宋國人立齊弟僖子遺嗣世叔氏

左傳

公叔氏

公叔發是為公叔文子發生成靈公惡其富遂戍戍奔

魯

左傳

北宮氏

北宮括成公曾孫所謂北宮懿子也括生文子佗及遺

佗之後有北宮喜

喜蓋佗子

喜逐靈公靈公入賜喜謚曰貞

子靈公時又有北宮結公欲叛晉諸大夫不可公使結

如齊而私于齊侯曰執結而侵我

欲以齊懼諸大夫

齊侯從之

及齊盟于沙久之公逐公叔戌結奔魯

左傳

南氏

公子郢靈公子也字子南故曰南氏郢生公孫彌牟及

惠子蘭蘭廢適子虎立庶子言偃譏之虎乃立又有公

孫免餘公孫臣公孫丁蓋皆公族也

左傳

鄭諸氏

皇氏

皇武子

族未詳

事文公其後有皇成戌子耳簡公時耳帥

師侵衛為衛所獲又有皇辰皇頡成公時辰會楚伐宋
侵城郛取幽邱同伐彭城納宋魚石簡公時楚侵鄭頡
成城廩出與楚師戰為楚所獲穿封成與公子圍爭頡

以頡歸

左傳

石氏

石甲父

族未詳

事文公其後有石楚石首石巢首事成公

巢事僖公

左傳

侯氏

侯宣多

族未詳

事文公其後有侯羽侯孺侯晉成公時羽

軍楚師因鍾儀而獻諸晉孺嘗為質于楚晉欒尉氏司

氏國人攻之晉奔楚

左傳

子人氏

公子語莊公之子也字子人遂為子人氏其後曰子人

九左
傳

良氏

以下十一族
並穆公子

公子去疾字子良是為良氏去疾生公孫輒輒生良霄
公孫黑伐之霄奔雍梁既而入伐蕩北門霄死公孫僑

立霄之子止

左傳

游氏

公子偃字子游是為游氏偃生公孫蠆蠆生游販販生
良及吉游販奪人妻其夫殺販于是廢游良而立吉吉

生連吉之從祖曰游楚楚亦穆公孫與公孫黑爭妻公孫

僑放楚于吳

左傳

國氏

公子發字子國是為國氏尉氏司氏作亂發死發生公

孫僑僑生國參

左傳

罕氏

公子喜字子罕是為罕氏喜生公孫舍之及公孫鉏舍

之生罕虎虎字子皮又為子皮氏虎生嬰齊及魋嬰齊

生達公孫鉏嘗為馬師遂為馬師氏鉏生朔子皮氏飲
酒無度故馬師氏與子皮氏有惡簡公時朔殺魋奔晉
左傳

駟氏

公子駟字子駟是為駟氏駟生公孫夏公孫黑夏生駟
帶駟乞帶生偃偃生絲偃卒絲弱其父兄立乞乞生顓
公孫黑生駟印黑欲去游氏而代其位公孫僑討之黑
縊又有駟弘系未詳字子般聲公時齊輸晉范氏粟弘送

之晉敗我師于鐵追我師弘及罕達公孫林殿而射前列多死宋圍曹弘帥師救曹侵宋晉荀瑶伐我弘請救于齊荀瑶還後瑶將圍我未至弘曰知伯愎而好勝早下之則可行也乃先保南里以待之又有駟秦富而侈嬖大夫也而常陳卿之車服于其庭國人惡而殺之

左傳

印氏

公子印

名未詳

是為印氏成公時為公子班所殺子印生

公孫黑肱黑肱生印段段生癸又有印堇父

系未詳

為大

夫簡公時莒父與皇頡戍城廩楚及秦侵我因頡及莒

父以獻于秦國人取貨于印氏以請之游吉為令正

上辭

令之以為請公孫僑曰不獲受楚之功而取貨于鄭不

可謂國秦不其然若曰拜君之勤鄭國微君之惠楚師

其猶在敝邑之城下其可弗從遂行秦人不予更幣從

僑而後獲之

左傳

豐氏

公子豐

名未詳

是為豐氏子豐生公孫段段生豐施又有

豐卷字子張

系未詳

簡公時公孫僑為政卷將祭請田焉

請田獵以供祭祀

僑弗許曰唯君用鮮衆給而已卷怒退而徵

役將攻僑僑奔晉罕虎止之而逐卷卷奔晉僑請其田

里三年而復之反其田里及其入焉

左傳

孔氏

公子嘉字子孔是為孔氏嘉生公孫洩簡公時尉氏司氏之亂嘉知之嘉又欲去諸大夫將叛晉而起楚師以去之國人伐之殺嘉公孫僑立洩嗣孔氏嘉之孫為孔

張左傳

然氏

公子然名未詳

是為然氏子然生然丹鄭殺公子嘉然丹

奔楚又有然明是為驪蔑左傳

子孔氏

士子孔名未詳

亦字子孔故別曰子孔氏士子孔生子良

鄭殺公子嘉子良奔楚左傳

羽氏

公子羽

名未詳

成公時為公子班所殺子羽孫曰羽頡良

霄因頡以伐舊北門霄死頡出奔晉羽氏遂絕

左傳

尉氏 司氏 堵氏 侯氏 子師氏

尉止司臣堵女父侯晉子師僕並鄭士也尉止生翩司
臣生齊堵女父之族曰堵狗簡公時五族作亂國人殺
尉止子師僕醢司臣司齊尉翩堵女父唯侯晉奔晉
奪堵狗妻歸諸范氏

左傳

楚諸氏

蘧氏即為氏

蘧章族未詳章之後呂臣及為賈鬬椒惡賈殺之于轅陽

賈生為父獵是為孫叔敖父獵從子為子馮子馮之子

掩郊敖時公子圍殺掩又有蘧啟疆蘧射蘧罷蘧洩蘧

越蘧固又有蘧居靈王時作亂殺大子祿而公子棄疾

立左傳

鬬氏

鬬伯比若敖氏若敖為楚八世祖及若敖氏娶于邲生

鬬伯比伯比生穀於菟及子良

子良名未詳

穀於菟生般般

生克黃子良生椒椒生苗賁皇莊王時椒殺般又殺為
賁將攻王王滅若敖氏而使克黃嗣苗賁皇奔晉穀於
菟之曾孫曰棄疾為宮廡尹事靈王伐徐之役吳敗我
師于房鍾獲棄疾棄疾生韋龜亦事靈王王欲遷許于
賴使韋龜與公子棄疾城之而還韋龜生蔓成然蔓成
然作亂弑靈王成然生三子曰辛懷巢吳入郢辛及巢
從昭王奔隨鬬氏之族又有鬬廉鬬御疆鬬梧耿之鬬

班又有鬪祈鬪勃鬪且鬪章章事成王我伐鄭章囚鄭
聃伯又使章請平于晉晉陽處父報之晉楚始通又有
鬪宜申謀弑穆王王殺之

左傳

成氏

成得臣亦若敖氏之族也得臣生大心大心生熊

公羊成熊

作成然

鬪椒作亂至靈王時王以鬪成同出若敖殺熊又

有成嘉若敖之曾孫為穆王令尹

左傳

屈氏

屈氏楚同姓也屈瑕為武王莫敖瑕之後有屈重屈完
完之族有屈禦寇字子邊為息公戍商密秦降商密囚
以歸其後有屈蕩蕩生到到生建建生又別有屈蕩
事康王康王以屈到為莫敖蕩為連尹到卒以屈建為
令尹蕩為莫敖與到建同時而同其父祖名傳或誤屈蕩生申申亦為莫
敖事靈王王伐吳使申圍朱方克之執齊慶封盡滅其
族既而以申貳于吳殺之又有屈巫即巫臣為莊王申
公叛入晉又有屈罷平王初立使罷簡東國之兵于郢

陵且撫其民

左傳

又有屈原為懷王左徒

史記

頃襄王時有屈署

國策

觀氏 彭氏

觀丁父為武王軍率其後曰觀射父射父後曰觀起起生從
從為卜尹召公子比為亂又有觀瞻為惠王開卜大夫

彭仲與為文王令尹其後曰彭名名之後曰彭生

左傳

申叔氏 申氏

申叔侯為申公成王使之戍穀去穀者叔侯之後有申叔時時孫曰申叔豫又有申叔展又別有申氏曰申無畏無畏生屏又有申無宇無宇生亥又有申包胥又有范山國語申無宇曰范無宇國知范山亦申後穆王時為大夫晉靈公即位范山言于王曰晉君少不在諸侯北方可圖也穆王師于狼淵以伐鄭鄭及我平左傳

潘氏

潘崇為大子商臣師弑成王崇之後為虺虺生黨左傳

伍氏

伍參莊王嬖人參子舉是為椒舉舉生鳴及奢奢生尚
及尚弟員奢為大子建師費無極譖之平王殺奢及尚
員奔吳遂覆楚入郢

左傳

昭氏

昭奚恤宣王相懷王時有昭陽又有昭睢昭過又有昭

魚頃襄王時有昭常昭蓋

左傳

景氏

景舍事宣王頃襄王時有景陽景鯉

國策

宋諸氏

皇氏

以下
戴族

皇父充石戴公子充石之後有皇郾又有皇瑗為右師
瑗生廩或誣廩將納桓氏景公殺廩及瑗已而復皇氏
之族使瑗從子緩為右師又有皇野野生非我非我從
昆弟曰皇懷又有皇國父為大宰為平公築臺妨于農
功所謂澤門之哲者也元公時又有皇奄黨華向出奔

楚左傳

華氏

華督戴公孫督孫御事御事生元元生閱及臣閱生臯
比閱卒華臣殺其宰臣出奔陳又有華合比合比庶兄
曰偃弟曰亥亥誣合比將納臣平公逐合比合比奔衛
督曾孫曰華耦又有華椒文公時楚伐蕭椒以蔡人救
蕭蕭潰椒及晉衛曹同盟于清邱椒生弱及定弱為平
公司馬弱與樂轡少相狎長相優又相謗也樂轡怒以

弓楷弱于朝公見之曰司武而楷于朝難以勝矣逐之
弱奔魯定為平公司徒元公即位惡華氏向氏華亥華
定向寧殺羣公子刼公時華氏之族費遂為大司馬驅
多僚登並其子也公使費遂攻華向華向奔陳華登奔
吳登亦其黨也已而多僚譖驅將納亡人公謀逐驅驅
臣張句殺多僚召華向華向自陳入宋師齊師敗之華
姪歸華氏華豹死之亥定驅登出奔楚華氏遂絕

左傳

樂氏

樂豫戴公玄孫文公時有樂呂平公時有樂喜是為司

城子罕

杜預注司城樂氏之大宗也蓋其先當是戴公之長庶子

喜逐樂轡轡亦其

族也喜孫舍輓祁犁舍黨元公華向之亂出奔鄭輓為

元公大司冠子朱鉏為景公大司冠祁犁為元公司城

祁犁子溷溷逐樂大心大心亦其族也溷子棧棧為景

公司城公薨棧及樂得逐大尹立昭公樂得亦戴族也

文公時有樂嬰齊楚圍我我使嬰齊告急于晉共公時

有樂裔老佐公薨魚石叛華元使裔為司寇老佐為司

馬遂圍魚石于彭城而老佐卒老佐戴公五世孫也平
公時有樂懼樂將鉏懼戴公六世孫鄭伐我懼將鉏敗
諸洵陂退舍于夫渠不敵鄭人覆之敗諸洵陵獲懼及
將鉏景公時有樂髡帥師伐曹

左傳

仲氏

莊族

公子成莊公子公孫固莊公孫公孫師亦莊公孫師子
仲江江之孫幾幾子佗佗為卿事景公及公子辰出奔

陳

左傳

向氏

以下
桓族

向戌桓公曾孫是為合左師戌生寧宜鄭寧刳元公與
華亥作亂宜及鄭黨元公以晉師敗華氏又有向勝向
行亦黨元公華亥殺羣公子拘勝行于其廩又有向為
人向帶為人為大司寇帶為大宰共公薨蕩山殺公子
肥華元殺山向氏魚氏五大夫出奔楚後降晉又有向
寧寧及華氏刳元公公攻之華向奔陳戌曾孫曰巢巢
弟魋魋弟子頎子車魋有寵而害于景公公使巢攻之

魋入于曹以叛巢伐之不克亦入于曹魋奔衛巢奔魯

魋弟又有司馬牛

左傳

魚氏

公子目夷字子魚是為魚氏桓公之子目夷子公孫友友

孫魚石世為左師又有魚府為少宰共公薨魚石魚府

五大夫出奔

左傳

鱗氏

鱗矐桓公孫為司徒矐生朱為共公少司寇及魚向五

大夫出奔

左傳

蕩氏

公子蕩桓公子蕩生公孫壽壽生蕩意諸世為司城襄
夫人殺昭公意諸死之文公使意諸弟蕩虺為司馬意
諸生山共公薨山弱公室殺公子肥華元殺山

左傳

褚師氏

褚師段共公之子

褚師市官蓋以官為氏

段生石彊為景公卿及

公子辰出奔陳又有楚師子肥為景公大夫滅曹

左傳

陳諸氏

轅氏

轅濤塗為宣公大夫濤塗之後曰選其四世孫曰僞閔

公時有轅頗轅買頗出奔鄭買出奔楚

左傳

鍼氏

鍼子為桓公大夫其八世孫曰鍼宜咎黨慶氏出奔楚

左傳

慶氏

慶虎慶寅為哀公大夫虎寅以陳叛楚役人殺虎及寅

又有慶樂楚殺之

左傳

尚史卷一百六

欽定四庫全書

尚史卷一百七

附序傳

錯生于蜀年三十有六歸休乎盤陰父母生之我

后長養之天地優游之故當壯盛得離跂伯擬肆厥志
盤陰虛無人樵爨之隙覽古高邈時讀舊史有蘊而隱
精鑒而佚疏而互紊而乖迂者輒晉羣書研幾之匹夫
挾移山之愚矻矻十有餘年成書百有七卷始雍正庚

戊訖乾隆乙丑又三年戊辰而具錄成表藏之盤陰牯
牛精舍

繫本宗緒道統原始生標殊尊羣族分理如元在首爰
定四體注源疏流用正簪亂作世系圖資始

運乎幾張鑒畫漏書道先乎天器前民用神明斯在遠
覽則誣德隆乎乾氣隆乎春后隆乎軒轅作黃帝本紀
第一

天運無迹歸權聖詰實立虛行遂用開物散醇不競任

情理達繼遠古而為治莫尚乎五帝作五帝本紀第二
孝慈有歸天德不以私宅憂居泰敢有貳志四載云勤
粒民孔孩緡燼不燬天祚民懷何離之明履癸則夷作
夏本紀第三

殷道蕤蕤數有興替逮元子受大命是隊聖敬集仁辯
智益昏司徒之教卒或未泯而狡童不信作商本紀第
四

三王基命武建皇極宣德克纘棄禮為戾承乘淫昏內

訂外極亡堅不崩失我西邑作周本紀第五

周德凌倖東遷守器帶朝徽亂惠襄震厲朽索馭馬宜
顛厥乘王叔弁髦卒斬姬祀作周本紀第六

湯武截截取逆守順秦乖其方失不轉瞬五德之運比
諸位閏作秦本紀第六附

元聖受玉嗣以禽父郁郁周禮盡在夫魯矣迺伯御逆
命桓宣歿攘毀防踣表蕩其遺矩僖公以僭昭德逾望
而郊元祖不享淫祀天寧或享非禮作魯世家第一第

二

唐叔之封實秉王命曲沃末大五侯不獲考釋之弗誅
寶器賂成以貳教矣新城之興有視夫哀侯于翼固舊
令夫作晉世家第三第四

營邱專征報政最速桓昭舊職兵車九合逮夫志驕葵
邱氣奪衽席蠱生濕淫蟲蝕腐朽五子參商一蹶不振
霸者歸趨難為其後如是作齊世家第五

商家醢酒妹土化之酒誥告封抑戒次之武公之德比

蹟乃祖迨父子爭國倍滅天紀天王失枋諸侯無討王
伯迹熄食息而已作衛世家第六

聖嗣道統不私大物雖昧植仁得我微子甫尋白馬用
備周恪宣穆親親召亂蒙惡譬酒云薄匪鴟為虐作宋
世家第七

濟洛河潁寄地十邑鄭桓雖隕厥土滋廣僑佐二君典
刑用輯兩介大邦代服交軟作鄭世家第八

連衍陸終終永厥世荆楚之承每在其季武文旁略莊

震中夏爭鄭難晉火烈上熾猛勢弱秦卒藉三戶作楚
世家第九

泰伯讓王祚以句吳季子似續顧啟後憂不協比夫鄰
國治越仇作吳越世家第十陳蔡世家第十一

周綱未弛狎執牛耳晉楚要盟心競以力諸侯執玉中
判南北亂絲棼如十手不得其理作曹滕杞薛十世家
第十二

君與分陝東民愛之旅藝之誥聖謨類之嗣君無間自

外于春秋彼噲外禪鶚傲鳴鳥祇傳天厲作燕世家第
十三

圓穿運軸重權移衡柄臣上蝕屋覆主社王逋其征民
忘其情前識之明有徵于君子作三晉田齊世家第十

四

相翳種德遠豐其穫周遺秦禽腹厭噬嗑山穴虎豹不
斥林木六國不并庸少假息作秦世家第十五

六相宣化羣司效績調齊陰陽品隲羣彙用剖顓蒙滋

創物始心尸厥中耳目不忒維聖立則官事以律作軒
轅諸臣列傳第一

重黎司正絕地天通虞則有若十六族獻哲通明若乃
六沴蕩和凶慝間聖有若四凶亦不殄于世作五帝諸
臣列傳第一

天不厭夏德火復于燼既其厭之湮迹于猛彼靡與逢
亦從其遇作夏諸臣列傳第二

責難格心維阿衡傳巖傷哉三仁直武丁大戊將嬖二

傅豈唯五臣作商諸臣列傳第二

以仁伐暴易建有周翹翹新室致難于綢繆時洎厲宣
支吾崩殍棟榱備具而侏儒是使作周諸臣列傳第三

第四

內難迭乘皇輿敗績誰其復之宗臣在即富辰不逃死
忠以辟懟萑宏不逃死祇益厥罪作周諸臣列傳第五
第六第七

展臧公族詒謀肫肫季氏不匱振溺扶顛三桓公忠維

成季穆叔胄子不右楮喪恐後作魯諸臣傳第八第九第十第十一第十二

桓友五臣威樹伯勣承以三士捐中而躋景則殊用以據說體以嬰說國雷霆之擊獨震于南史氏作齊諸臣傳第十三第十四第十五第十六

晉多舊氏布列卿佐藥卻覆前范荀踣後禍有由來矣迺叔向貞諒食我斬祀天祚淫人每毒善類其道何繇作晉諸臣傳第十七第十八第十九第二十第二十一

第二十二第二十三第二十四第二十五第二十六

子魚好修不替前美蕭叔高哀亦其選也華元樂豫純
職未粹瞽史有能相備筏慧作宋諸臣傳第二十七第
二十八

聖不接踵賢不比肩君子作朋衛材振振孫寧細隙乃
動于惡仁暴異趣用穢舊德作衛諸臣傳第二十九第
三十

鄭十一穆錫類蕃衍軼其倫者一二而已卓哉子產靖

共豈弟諸侯之士無有其比作鄭諸臣傳第三十一第
三十二第三十三

廣澤包物大國富耦叔敖子文諸梁郤宛光烈赫赫利
競南楚若乃申伍同好覆復異旨行意各得周而不比
矣子蘭靳尚舌出廷惑懷沙之臣望龍門而延佇又其
絕行夫作楚諸臣傳第三十四第三十五第三十六第
三十七第三十八第三十九

不義不暱濟欲斯貴積姦成風彌漫天下守節獨立聞

子臧之義洩冶殺身蒙倖獄近文致作陳蔡曹邾諸
臣傳第四十

天命靡常德克則勝人謀鬼謀匪奇惟聽員詒同出不
合而攜江浮鵠夷臺則有廩作吳諸臣傳第四十一越
越諸臣傳第四十二

師處友處郭生與子方干木足任之矣去止以道吳起
視望諸有間矣作燕諸臣傳第四十三韓諸臣傳第四
十四魏諸臣傳第四十五第四十六

頗武傷憊括武傷謾憊僅失身謾且覆國虞卿逃祿仲
連逃賞矯亢卓踔翱翔乎聖域之外乃婦人持國輯鄰
壤敵有患后與君王后作趙諸臣傳第四十七第四十
八田齊諸臣傳第四十九第五十

軌物典則彌綸賁備先聖之法百王不易執斯盜聲矢
志繆盭俾淳古不復亂從其弊作秦諸臣傳第五十一
第五十二第五十三第五十四

揣摩架空徵離攝構哆侈詆譏俯仰反覆使主權游移

中智恂恐權輿乎蘇張倫脊不乖奪欲以理深切坦易于陳軫為正作說客傳第五十五第五十六第五十七
第五十八

大而化運而神撫之無迹擴之無垠使得其位則亦堯舜而已矣天固抗其身崇其道一時詘之萬世信之至孔子而極作孔子繫第一第二

親炙孔子幾于無間莫從容乎顏子私淑孔子淑離不搖莫踔絕乎孟子淳庵廁中得左失右偏智膠固惝恍

自恣莫眈驟乎諸子作孔子弟子繫第三第四第五諸
子繫第六

道有統示無二也帝有統示無上也自黃帝訖武王舉
以帝紀統作五帝三王世表第一

周大封建藉茅班瑞同姓之侯親疏以德畛其疆場其
有等夷之國彫剋湮沒如聃郇豐雍俱莫可倫次作同
姓諸侯年表第二第三

異姓之侯賓則三恪陳杞後宋自戾于薄桓桓尚父粵

為周師青旂蒼玉奠彼東土為冠宜矣作異姓諸侯年表第四第五

秦踞金虎猛噬闔左背膺判合卒為所取乘馬弱矣六之則彊汲綆短矣交之則長善不在秦六國自淪于敗作戰國諸侯年表第六

大明無隱大健不息大信不忒天德固若是矣顧日踐月更不與分秒野人布策睨暘得之神化無方蓋不若是積微成差積盈虛成閏積久斯驗作天文志第一第

二

鼓喑沈陰絃急暎火感召自近氣交中通天人之際理
不可誣作五行志第三

維禹荒度導山與川洎周職方氏掌其方所司徒之屬
典其程則其或理室脈壅則山崩川移九州分合形便
廣隘不闕于和作地理志第四第五

玉帛羔鴈充之以器周旋揖讓從之以文朝聘會同饗
祀彤禋正之以用而上下有章疏數有節吉凶有迪本

原于是三代昭德奠功損益不倍夫本作禮志第六
函中以誠元氣被物遠近與天地同和鳥獸率舞肆注
之八音虛中和應為樂之志作樂志第七

程竹量忝軒轅制始以正中聲來哲泥之豐嗇失時的
安從準比陰協陽往來上下觀易可以知律作律呂志
第八第九

兵者約寡于衆一整于散挈懦于勇步伐止齊以律誅
無道戡暴亂德沮義格乃專為用作兵志第十

未然藉禮已然致刑刻肌膚斷支體味以上服慄以痛
焚揭以恥辱而重輕布之期于不肖滋懼中人以免盡
窮教不入陷之則失作刑志第十一

君子食人小人食力不班之法無均懼爭是故平土畫
畛畷山林約之公田上貢教之義私田自養教之勤授
田不畀杜其貪法至周也作田賦志第十二

中古以降迺著姓氏一本原之親疏殺之類族別之立
祖禰辨昭穆致烝嘗通昏因敦仁樹義即物崇禮曜不

偏于瀆遠不入于薄遠則肆罰作氏族志第十三第十四

李眉山傳

李眉山名鍇字鐵君其先居琅琊後遷遼世傳為遼東李氏父輝祖以操行敦厚且積功厯官楚制軍晉司寇嘗為蜀方伯生眉山遂以為號云眉山故貴介然家無餘資以先人之廉也好讀書務窮源本為古詩有漢魏陶謝風其它得少陵神采而屏絕麗雜以故以詩傳若其有良史材則人莫之識積二十年著尚史凡八十餘萬言貫左國之離析補龍門之遺失訖秦嬴始于五帝

班掾以下莫能及也素貧不得刊布惜哉惜哉眉山既
肆于文不樂仕進門功凡八職輒病不就襲居于盤與
田父野老相周旋築室鴈峰又自號鴈青山人歲丙寅
年六十有一矣

